


綿竹縣鄉土志



綿竹縣  
鄉土志

光緒戊申  
年五月  
鐫



綿竹縣鄉土志例目

一鄉土三科曰歷史地理物產各示門徑以立兒童問學之基不敢稍涉率易

一兵事後附鄉約數條本呂氏鄉約之意爲鄉土志所應有非敢節外生枝

一孝友睦婣任恤備於耆舊諸傳不必一一分屬

一耆舊錄詩古文詞聯語附於本傳後以志歌詠慨慕之意兼示以國文門徑此外題詠古蹟亦擇要登之以備歌誦

一戶口調查下附一縣金穀總數本朱子報張敬夫書爲均節財賦之據卽爲兒童計學之資

一鐵路工程表附租股局後爲兒童預計路線里數價值以啓將來同謀公益之舉並使本縣出股者知其大概

一姓氏後附宗法本周禮大宗伯教民敦祖睦族小宗伯別親疎辨昭穆今學部令著姓氏於本志之旨

一辨證均有所據如射水河源旱稻炕穀法皆正舊日之誤以啓新知具有實用

一文必期簡雅一切新名詞除理科必用外概不闖入

一插畫爲教科書所必需有圖有說自必易解

一童子先入爲主必令教習就此冊分爲若干課自行按課編纂旣知教習之文理以免講授之囫圇圖其所編課本卽爲該教習成績良否自然易辨一洗襲用教科書之弊一教習能於此冊外詳加考察確有發明更收宏富之益於每學期第其課本考驗其學生以定優劣優者獎劣者退庶免濫竽尸位學堂自有進步

二

纂

修

姓

名

監

督 田 明 理

莊 蔭 椿

調

查 安 永 祥

撰

述 黃 尙 毅

測

繪 廖 維 周

康 龍 翔

邱 杰

圖

畫 吳 文 英

綿竹縣之歷史

甲 沿革

綿竹置於漢高祖六年庚子分屬地置廣漢郡

今成都府

領縣十

三綿竹與焉以其地宜竹因名

綿竹古蜀山氏地蜀自黃帝子昌意娶蜀山氏女曰女樞生

顓頊高陽氏封其支庶於蜀歷夏商周武王伐紂會於牧野

蜀與焉職方以梁合雍為蜀國

春秋周襄王元年蠶叢氏

為人縱目

始稱王次日柏灌次日魚鳧

皆其子也魚鳧之後曰杜宇氏

三

戰國時杜宇氏遂稱帝號曰望帝後因水災其相鼈靈決玉

壘山以除水害遂禪位於鼈靈號叢帝九世孫曰開明徙治

成都而地為蠶叢國之附庸

周慎靚王五年乙巳

秦惠王九年

巴蜀相攻擊秦惠王遣張儀司

馬錯伐蜀滅之因并滅苴巴置巴蜀二郡而地隸於秦屬蜀

郡

東漢靈帝中平五年戊辰三月以劉焉為益州牧六月州從

事賈龍迎焉徙治綿竹因災仍徙治成都

按大明一統志德陽縣在州北六十里本漢綿竹縣地屬



廣漢郡東漢析置德陽縣

蜀漢章武二年壬寅分廣漢置梓潼今潼川府綿竹屬焉

晉武帝泰始元年乙酉春正月受魏禪二年廢廣漢置新都

郡今潼川府綿竹屬焉後改爲晉熙郡

北周宇文覺改郡爲晉熙縣

隋文帝開皇三年癸卯改晉熙爲孝水縣煬帝大業三年丁卯復爲綿竹縣屬蜀郡

唐貞觀元年丁亥蜀爲劍南道綿竹屬濛州卽彭縣武后垂拱

初屬漢州

四

宋太祖乾德三年劍南道分四路成都爲西路綿竹仍屬漢州

明太祖洪武九年丙辰改各行尙書爲承宣布政司四川分

東西南北成都府爲川西漢州隸焉綿竹仍隸漢州

國朝雍正五年綿竹改隸綿州

乙 政績

東漢閻憲字孟度章帝章和間爲綿竹令以禮讓化人縣民杜成夜行得遺賄一囊有錦二十匹求其主還之或曰暮夜無人何不持去曰縣有明府何敢負也

蜀漢建興五年丞相亮北住漢中廣漢綿竹山賊張慕等鈔盜軍資劫略吏民張嶷南充人初爲縣功曹至是以都尉將兵討之嶷度其烏合難以戰擒乃乍與和親刻期置酒酒酣嶷身率左右因斬慕等五十餘級渠帥悉殄

南宋鮮于大年導江人

今灌縣

理宗淳佑間爲綿竹令政尙公

恕不爲暴滑所撓邑之廢墜悉爲振舉創三賢堂祀楊元素宇文中允張忠獻郡人侯午仲記

明陶文斌湖廣襄陽人洪武初綿竹始建文斌首知邑事兵革之餘百度廢燬今縣治及諸制作皆其遺矩撫綏流移瘡痍民賴以安卒於官葬治西子孫家焉

五

邢大經甘肅平涼舉人正德初令綿竹性勁直無阿避民俗好訟邢順其情而導之訟者漸息振興文教更闢巡城聞有誦讀聲及衣冠整肅者且賞勸之或有婚姻失時爲之釐正及貧不能嫁娶者悉令於公堂配之邑中公廨皆有脩葺尤首於學校百役咸作民不苦擾卒之日囊篋蕭然士民哀之立祠肖像歲時祀焉

陶弼號梅橋湖廣興國州嘉靖丙午舉人脩輯學宮建懷古樓始築縣城創邑志

陸經術廣西灌陽人崇正丁丑李逆自成劫掠綿邑其後陸  
既至集父老曰賊氛方熾何堪爲處堂燕乎首捐四百六十  
金庚辰躬督修築城垣春興秋竣雉堞高厚嗣獻賊至以城  
堅不得入閤邑頌曰陸公生我

卜大經江南人崇正末年任邑典史乙酉張獻忠逆黨劉文  
秀破城大經曰力不能支義不能逃今日之事獨有一死遂  
與其僕並縊死賊退書役雷應龍殮而葬之

國朝李如樾河南孟津縣舉人順治十八年授綿竹令當時  
流寇初平衙署盡燬公修復之於聖廟建啟聖殿並督民採  
取茶株始報課稅在任十載清潔自矢

六

任紹曠字思菴山西河津人康熙甲辰進士由長沙知府因  
公降調壬申冬令綿竹性端嚴誓絕苞苴折獄如神邑不習  
桑公教以栽種善法令報數登記勘榮枯行賞罰焉蠶絲之  
利自此始又輯小兒語抄發與民間在任一年卒貧無以殮  
藩憲高公起龍賻送歸焉

王謙言字山介江西安福人康熙壬子解元丙子令綿竹百  
廢具舉念邑志爲敷治之原觀法繫焉乃旁搜博采竭心血  
者數年有功綿竹此其大著者

陸箕永字二水江南華亭人以廩生舉鴻博康熙五十一年  
宰綿竹蜀遭兵燹後土著少報懇半野民屢以客戶陵土著  
訟庭多事公履田畝正經界釐剔隱蔽勘堰均水跋山陟嶺  
無月不信宿在外

安洪德字碩伯山東聊城舉人乾隆時任綿竹邑有喻家庵  
爲妖道霸據訐訟累年公火其書散其徒整其宇爲南軒書  
院因公下鄉柴薪米菜無不自隨者

吳一璜廣東西甯人康熙丁酉舉人乾隆七年署綿竹移書  
院於西街靈寶觀故址建講堂六楹房舍四十三間顏其額

七

曰晉熙書院今爲高等小學堂又擇適中地創建社倉二十  
間不使穀藏私家官得核實建養濟院六間倡捐贖回絕戶  
張當出田七十畝歸養濟院俾老病孤獨之民得資以生至  
今猶賴之

陳天德山西長子人由拔貢教習知縣乾隆乙卯年令綿竹  
在任七載勞農勸學嚴束書差甚得民心時各省城工事起  
奉檄查問可否照江南捐修公諮四民於庭導以自行報輸  
一時人情踴躍前後得數以萬五千計城工速竣綿江河口  
爲官渠棚砂宋家三大堰分水總口向來未定放水時刻每

致爭訟公查照田糧水分按十二時然香啟閉官渠堰分寅卯辰巳午交未時上四刻止然香六尺六寸棚砂堰分得未時下四刻至申酉戌三時止然香四尺二寸宋家堰分得亥子丑三時然香三尺六寸周而復始不許混亂每年三堰各公舉一人爲看香堰總按時照刻開閉輪放自三月初一日起至六月初一日止各堰總一切需費照水糧均攤兼將水分章程勒名以垂久遠公立合同各執爲據立官渠河分堰一十六道水分糧名計一百二十有奇糧田共二萬五千三百二十七畝五分照畝定時然香放水每一時灌田四千六百零五畝至今一百五十餘年三堰如一家三堰總如一人三堰之民守一定之法沐自然之利

賈文召字櫻峯甘肅伏羌人乾隆丁酉解元嘉慶元年令綿竹爲人剛正不阿時邑民多習刁惡魚肉鄉里召因事痛懲風遂息曾大書除莠安良四字額頭門外左右坊會教匪擾及潼綿男婦塞途奔避邑城城守嚴不得入呼號聲徹內公卽命大開城門悉縱入有爲公危者公曰皆吾民也內外何異視事苟不濟徒迫之從亂耳而不知其密伺非常早於城廂內外部署周慎數日無事始各散歸里於四關外建哨樓

四座防守甚嚴匪遂不敢入縣境云

李霖江西南豐人由乾隆庚子科舉人大挑一等分發四川嘉慶七年特授綿竹性慈祥尙儉約能下士禮賢御民以靜蒞事以簡四境安之到任以後重脩內衙正署及文昌宮補築東門河隄建先農壇整飾文廟復申明亭前後在任七載以清搃著

沈瓌字琢如浙江歸安人嘉慶十四年以軍功選授綿竹知縣宏才肆應折獄如神視事未及半載城鄉私弊無不周知凡有利於民者首先捐廉爲紳耆倡以故人民樂於趨公蒞

九

綿九年百廢具興每政事之餘至書院與諸生講求一切有用之學是時鹽法不修私商滋事民不得安因令鹽歸地丁民甚便之修城垣衙署縣志河堤綿遠橋創立義倉愛惜士類皆出於至誠在任九年廉惠大著

謝玉珩字鶴齡陝西安康人嘉慶庚辰進士道光四年署綿竹是歲大旱粒米無收公發義倉平糶捐廉買米百石更勸募紳耆四城設局賑濟是歲雖飢野無餓莩

楊上容字玉生湖南甯遠人道光壬午進士五年任綿竹天姿剛毅設義學二十一所捐養濟院田清釐柏林壩張魏公

祖塋田產十年夏天雨雹壞田四千餘畝公捐錢五百釧賑濟災民凡所倡建無不明立規條可垂永久

鳳威愍公諱荃字莠棠荊州駐防舉人光緒甲申任綿竹勤敏嚴毅匪類遠颺折獄如神清釐公款毫不假貸積弊一空各科書吏承充嚮有規費公獨不收差役緝捕皆先給貲而後責以期限吏民畏服官無留事

鍾鸞藻字仲鶴浙江仁和舉人光緒丁亥任綿竹稟抽契底每千六文作爲卹養育嬰加膏火脩志四項支用其富室孀婦不願領卹費者則給古井無波扁額旌之全節甚多又於歲晚訪寒士敦品勵學者給以度歲貲至今窮養貧嬰寒賸得遂其生者皆曰鍾父活我也在任僅一年卒

張繼字少齋甘肅隴西人由庶常散館以知縣用甲午署綿竹創設孔廟樂器局立禮樂歌舞四部選內外庠百六十八肄習是年秋祭舉行典禮邑人士圍橋觀者數千人至丁未升大祀因公之舊而畧增之遂不煩募集而已辦所缺者蓋無幾矣

柴作舟字星甫貴州修文人癸未進士辛丑任綿竹創公書局立宗法整頓局務勤於聽斷尤以嚴禁煙館得士民心其

告示云照得本縣自履任以來每接見紳耆訪問民間疾苦無不痛言煙館之害人者據稱綿邑在十五六年前尙無煙館因有一二人作俑官不之禁於是轉相效尤日開日多近卽鄉僻小徑無不煙館林立盜賊匪類視爲窟穴人命拉搥劫竊案件日愈繁滋良民不得安枕而臥然此猶害之在一時者也其流毒無窮者書塾之子弟商賈之學徒田間力作之農夫傭工食力之愚氓無不相牽相引隨時隨地入館吸煙父兄師長不及察家主不及知而彼煙館之煙又有菸梗老薑諸汁攪和合煎而成性最毒味最烈十數日而癮成癮

土

成而終身不可湔除矣至於煙館之中姦盜詐僞百做叢生尤有口不忍言耳不忍聞者及此不禁再過十年不知地方成何景象諸紳耆之言大率類此幾於淚隨聲下本縣赴鄉之便採訪輿論所言煙館之害更無不異口僉同夫近世吸煙者衆矣何獨責於煙館不知家居吸煙父兄師長得而覺察得而限制其勢不若煙館之便其煙不若煙館之毒其流傳不若煙館之廣不至互相牽引與匪爲伍反覆推勘誠如該紳耆等所言害莫大於煙館者合行示禁爲此示仰城鄉煙館統限於十日內一律閉歇有敢違禁私開者開館與吸

食之人照例分別治罪房屋入官決不姑寬嗣有違禁者公親拏之伐其屋治其人十日禁絕勒碑於閬縣城鄉市鎮垂爲永禁會公解任繼之者伍公生輝重加禁止今奉

上諭嚴禁吸煙先禁煙館公之禁令可謂先天而天弗違士民讀公所勒碑未嘗不墮淚也

丙 兵事

東漢光武建武十二年丙申春正月帝討公孫述遣吳漢由魚涪津進拔廣都卽雙流分併入新津臧宮進拔綿竹會於成都述兵敗死

靈帝中平五年戊辰以劉焉爲益州牧焉入蜀會賊殺綿竹令李昇及益州刺史郗儉從事賈龍等破滅之迎焉至徙治綿竹十七年壬辰十二月先主據涪城後漢書劉璋遣劉瑁冷苞張任等拒先主於涪城皆敗退保綿竹璋復遣李嚴督綿竹諸軍嚴衆盡降

蜀漢建興元年冬魏征西將軍鄧艾自陰平由景谷道旁入諸葛瞻督諸軍至涪停住前鋒破退還住綿竹艾遣使招降瞻斬之遂戰大敗瞻與長子尙俱歿於陣

魏咸熙元年甲申正月魏以檻車徵還鄧艾鍾會謀反伏誅

監軍魏瓘襲艾父子於綿竹斬之

晉惠帝永甯元年二月詔拜羅尙益州刺史督廣漢太守辛冉等入蜀李特李流遣弟驥以牛酒勞尙於綿竹特乃結大

營於綿竹以處流民旋叛攻廣漢據之太安二年羅尙用任

獻計大敗李特斬之李蕩李雄還保赤祖

胡林翼註赤祖在綿竹東

安帝義熙元年益州刺史毛璩自成都遣參軍王瓊弟瑗率

兵討譙縱縱遣弟明子設二伏於綿竹大敗之縱至成都稱

王

後唐莊宗同光四年李紹琛反於蜀魏王繼岌遣工部尙書

三

任圓討之紹琛敗奔綿竹追擒之

崇禎丁丑李迺自成劫掠綿邑

國朝順治二年乙酉張獻忠逆黨劉文秀陷縣城卜大經時任典史死之

咸豐庚申辛酉滇匪竄縣北境拱星場兵勇擊之敗績陣亡

都司吳偉南

江西人

守備楊宗餘把總王武元樂顯才尹夔龍

劉濟川葉上坤庠生何宗道應廷顯葉逢春陳紹中余步雲

袁芝秀監生梁明秀廖成良張廷儒鄧正剛團首尹思成思

洪劉文芳袁守先蕭宗發保正畢洪魁李炳桑維仕督帶李

仲齡軍功田義合勇目鄧光宇等百八十九人賊追近縣城  
總兵盧又能守禦之危城獲全平定後合祀鄉忠祠以衣冠  
招吳都戎魂葬於諸葛雙忠祠墓旁鄉忠祠卽建於墓道之  
右而和衷團首訓導黃志義亦附祀焉其木主旁題曰和衷  
團練自公始和衷團名自公取規模甫定公安歸鞠躬盡瘁  
死局裏又有副貢趙咸安先生名貞虛者充團防局總紳先  
生只一子令衝鋒殺賊人爲先生留先生曰保得一縣乃保  
得一家卒遣之公子亦勇氣百倍連斫數賊賊不敢進城賴  
以全先生題鄉忠祠聯云 甘爲抉舌斷頭鬼恥作偷生怕  
死人聯今不復存余聞之太學生王效曾云

古

自臧宮拔綿竹而後漢興至諸葛父子戰死綿竹而蜀漢  
亡此大兵事也外此則流民流寇間一蠢動剽掠所至而  
忠臣義士節婦孝子相助相卹蹈刃投燼而不顧或危而  
復安毀而復全生聚以至於今距咸豐庚申辛酉滇匪之  
亂四十餘年矣當時匪所陷州縣如青神慶符高珙數處  
至今四民尙未復業而吾綿民所以得樂業安居無市井  
蕭條愁苦之狀豈非此二百十五人之官紳士庶仗同仇  
之義奮敵愾之氣擲頭顱剗腸肺爭死恐後懾鼠伏之寇

不敢動始獲此繁庶氣象乎至於狃奢安之習忘勤儉之遺屋如傳舍田如握蠲朝暮交易客籍爲主土著爲奴是不經兵刃而被虜不睹戎馬而蹂躪殆盡矣此又二百十五人之官紳士庶痛哭於地下而有若敖鬼餒之嘆矣可不懼哉禮曰移風易俗莫善於學今與鄉學堂約士人至富睦嫻任卹固宜從厚而嫁娶之費不得過二百金宴客不用海參魚翅楊叔嶠先生常有此議喪事不用樂待吊客不備酒肉學生不吸一切煙女子不纏足男女非二十不衣絲綢未五十不衣裘非有慶祝不會飲不買彩票操衣鞞帽均

五

用布是在有道君子維持而力行之爾

綿竹四里二十甲所管各小團數

東里五甲 共一百三十五團

南里五甲 共一百七十五團

西里五甲 共一百四十五團

北里五甲 共一百四十九團

以上總共六百零四團